

靈寶領教濟度金書卷之二百四十八

洞微高士開先救苦真人書金具投
靈寶通書教水南先生林靈真編

科儀立成品的祈請齊用

晚朝行道儀

燒香頌

各禮師存念如法

宣衛靈呪

五星高耀 瑞炁飛浮 元始集神 天地交周
玉符寶節 躡命微幽 擲火揚威 奸凶無留
萬魔振伏 紛葩却消 摧怪伐惡 道炁同流
神光照夜 陰翳俱收 萬仙降格 扇景乘颺
群生咸遂 惠遍神州 和與道合真

鳴法鼓二十四通

元上三天玄元始三炁太上道君召出_臣身
中三五功曹左右官使者侍香玉童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上開啓_臣今奉為入奉考以
今落景陞壇行道願得玉清道炁靈寶妙光

下降流入_臣等身中今_臣所啓速達運御
太上无極大道至真玉皇上帝御前

謹攝法位

具位_臣非與臨壇官衆等謹同誠上啓

太上无極大道虛无自然元始天尊太上道

君太上老君昊天玉皇上帝高上神霄玉清

真王長生大帝高上神霄玉清真王青華大

帝九天應元雷聲普化天尊九天雷祖上帝

上清紫微碧玉官太乙大帝六天洞淵大

帝六波天主帝君可韓司丈人天尊九天採

訪使天尊雷霆九司諸天省府東華西靈執

職真衆洞天福地四海四瀆溪澗潭洞主宰

龍神社稷山川城隍里域三界官屬一切真

靈_臣聞大道杳冥擊帝江而莫測至真恍惚

遊聖海以無方希夷上闕於六虛微妙下該

於萬有風雨霜露潛旋潤澤之功草木山川

昭布發生之德成終成始拱後拱前凡委炁

以流形皆收功而稟命_臣等卑卑塵蟻碌碌

坎蛙佩龍成於心前堪嗟短景采腐書於肘

復徒羨長年功未積於紅塵過已保於碧海

濟人利物敢忘受道之初忱贊化宣仁期秉
學真之終志凡有投告所盡開闢晚朝青詞
謹當敷奏

宣詞

按如詞旨諒垂淵聽_臣開國以農為重春耕

期身於豐年民以食為先秋斂觀登於樂歲

苟東作或際淫潦之苦則西成昌圖豐稔之

歡賸彼田疇每隣湖泊多岸高而畝下易被

損傷率哇低而塘深常罹淹浸乃自仲春之

候馴至季夏之時急雨疾風扶迅雷而連旬

不止驚波駭浪泛狂瀾而數月無休稼莫抽

芽禾難吐穎非賴三靈之協佑奚歸一飽之

安全爰潔茅庭聿嚴芝座降三華之寶輦來

十極之瓊輪旌葆蕙旒幡花煥映一忱請命

百拜陳情為齋主恭開拓晴光解除霖潦俾

耘耔之盡力庶刈獲之從心以今晚朝行道

請法衆等運茹初捻上香

願此香煙騰空逕上供養

无上至真道寶_臣等皈身皈神皈命首體投

地願以是功德上祝

皇帝陛下伏願陰陽合德覆載同功治越虞朝致歌舞鳳儀之瑞政過漢代開馬生龍見之祥來王而四海會同入覲而八荒拱伏耕者讓畔負鬴而禮修道不拾遺盡衣冠而刑措今故燒香自皈依

師尊大聖眾至真之德得道之後保天長存和與道合真

以今晚朝行道請法眾等運茲三捨上香

願此香煙騰空運上供養

无上至真經寶等皈身皈神皈命首體投

地願以是功德皈流四嶽九牧萬姓四民伏

願王綱調理帝化贊襄煙閣圖書元勳於

竹帛雲臺紀宇耀成績於旂常熙熙而治洽

八埏皞皞而政敷九軌月堂負未喜五穀之

告成雲岫驅車欣百工之貿易今故燒香自

皈依

師尊大聖眾至真之德得道之後長享自然

和與道合真

以今晚朝行道請法眾等運茲三捨上香

願此香煙騰空運上供養

无上至真師寶等皈身皈神皈命首體投

地願以是功德皈流親民陽採佐政陰僚伏

願輸忠佐主守愛御民三異政成剖竹惠周

於里巷一同恩洽種花春滿於郊原稟正直

以憲天敷慈祥而制地山川領職普膺十資

之華里社持權班萃九遷之寵今故燒香自

皈依

師尊大聖眾至真之德得道之後長享自然

和與道合真

禮方 懺方

步虛 三啓

三禮

重稱法位

具位 其與臨壇官眾等謹同誠上啓

太上無極大道虛无自然元始天尊太上大

道君太上老君昊天玉皇上帝高上神霄玉

清真玉長生大帝高上神霄玉清真玉青華

大帝九天應元雷聲普化天尊九天雷祖大

帝上清紫微碧玉宮太乙大帝六天洞淵

大帝六波天主帝君可韓司丈人天尊九天

採訪使天尊雷霆九司諸天省府東華西靈

執職真衆洞天福地四海四瀆溪澗潭洞主

宰龍神社稷山川城隍里域三界官屬一切

真靈聞常兩常賜雖自天災之降或豐或

歉率由民欲之招故上天每愛民而施仁而

下民惟嗚天而造業機械所繫影響則同今

齋主其於此歲華莫逢晴霽凝眸暴雨注晴

簷而挾助狂風極目驚波壓岸谷而地飄滾

浪陰陽昏翳天地悲號林亡棲鳥之巢澤天

避歌之穴野農疾首縱橫裊以莫為村老痛

心惟枯槁之昌用狂霖若此望歲何期深慮

凡厥有生自從往劫弗脩人事回念天威賊

穀米以育鷄豚圖糟糠而造酒醋凶年厚積

伺市價之有贏富歲必藏校村儲之多蓄斗

升寬狹丈尺低昂致羅籍之登名或刑編之

紀字會合地主開告天廷遂成霖雨之災莫

副晴明之願自匪開心而首謝奚繇如意以

懇祈是以舒煙建齋俾懺除於柱旂轉經行

道為迎輅於新釐伏願十投呈祥九天鶴慶

煥丹綸於空界收拾陰霾湛紫絳於天中開
 明陽耀庶得曠輪煥景雲蓋停降秀荒荒而
 實離離相將秋欽黍與與而覆翼翼取次冬
 藏蒙如監映之私允拜提携之造上願經法
 流演洞輔宣行曠瑋光明風雲藏靜動靜被
 澤山川鬼神以攸寧飛潛承恩鳥獸魚鱉而
 咸若朝多罔鳳野絕谷駒地湧醴泉乘萬年
 枝而治定天垂甘露握千秋鏡以功成在在
 陽回人人春到則上明
 天尊大慈之化下副臣等皈命之誠謹啓以
 聞

發願

- 一願大道流行普天懷德
- 二願一切有生咸皆悟道
- 三願九夜幽魂一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海通同寬親和釋
- 八願潛胞處卯咸得生成

九願積疾新痾旋即痊愈
 十願孤露衆生豐衣足食和與道合真

存神燒香

香官使者左右龍虎君侍香諸靈官當令臣
 建壇之所自然生金液丹碧芝英百靈衆真
 交會在此香火爐前令臣學道得道求仙得
 仙齋主受福宵旻開晴十方仙童玉女侍衛
 香煙傳臣向來啓告速達運御
 太上无極大道至真玉皇上帝御前

出堂頌

謝師

靈寶頌教濟度金書卷之二百四十八

靈寶頌教濟度金書卷之二百四十九五十二
老同

洞微高士開光啟普真人靈全具校
 靈寶通玄秘教水西先生林靈真編
 科儀立成品祈晴用

祈晴設醮儀

步虛 燒香頌

各禮師存念如法

宣衛靈呪

五星列照煥明五方 水星却災木德致昌
 榮感消禍 太白辟兵 鎮星四據 家國利亨
 名刊玉簡 宇錄帝房 乘輿散景 飛騰太空
 出入幽冥 遊宴十方 五雲浮蓋 招神攝風
 役使萬靈 上衛仙翁 和與道合真

鳴法鼓二十四通

无上三天玄元始三炁太上道君召出臣身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝開啓玄壇天帝神君當召此間土地里
 域真官正神急上開啓臣今奉為入齋意以